



UNIVERSITÄTS-
BIBLIOTHEK
PADERBORN

Ordinis || Praemon-||stratensis || Chronicon

Le Mire, Aubert

Coloniae Agrippinae, 1613

De Reditv Ad Propria. Capvt XI.

[urn:nbn:de:hbz:466:1-64313](#)

& eadem suis priuilegijs confirmare. Surgunt adhæc præsentes vniuersi regni magnates, & vnâ cum fratre Hroznata ad pedes Regalis magnificentiæ procidentes, pro ipso supplicant, cum ipso acclamantes, hoc ipsum Regem facturum, quod suadet pietas, & dictat honestas. Annuit Regalis munificentia potentibus, & petitis, & vniuersis bonis prædictorum piorum locorum, in spiritualem protectiōnem receptis, ea suæ sublimitatis priuilegijs roborauit. Agunt omnes ingētes gratiarum actiones Regi, & Fr. Horznatam, magno venerantur affectu; bonorum omnium auctorem Deum, vnanimiter glorificantes, qui seruos suos & in terra mirificat, & in cœlo gloriosè coronat.

DE REDITV AD
PROPRIA.

CAPVT XI.

VIR Deo deuotus, Frater Hroznata, voti compos, gratia Regali præuenitus, inde venia petita abscedit, conducentibus ipsum maioribus regni, ad locum, in quo eum turba suorum equitum expectabat, & optantibus illi prosperum re-

rum

rum omnium successum. Quibus gratia referens equum ascendit, & itinerando processit. Deinde paululum progrediens, manus ad cœlum extendit, laudans clementiam Saluatoris, quod in omnibus suis actionibus misericorditer sibi dignatus est adesse, proinde oravit diutius cum lacrimis ut Deus quod bonum opus incepit, perducere ad finem dignetur. Et ita ad suum patrimonium se recepit, excipientibus eum cognatis, & amicis & habitum suum mirantibus, omnibusque praे gaudio flentibus, quod receperant eum sanum. Itaque in claustro suo Teplensi cum iocunditate receptus in eodem Deo obsequebatur, & prælato sub obedientia Regulari. Præter haec & alia opera, Deo placentia, quia nescit tarda molimina S. Spiritus gratia, imperante Ioanne Teplensi Abate, in virtute sanctæ obedientiæ, licet inuitus & renitens, prædictorum claustrorum præpositus, & administrator effectus, in suo strenue officio inuigilabat, humilitatis exemplo, obedientiæ promptitudine, patientie studio, intuentibus admirabilem, & imitabilem se præbendo. Tandem inimico humani generis, qui bonis actionibus inuidet, discordia seminante, à prædicto Abate, afficitur iniurijs, & contumelijs la-

cessi

cessitur adeò quòd persecutioni patientię scutum opponens, priusquam contra bonum obedientiæ aliquid attentaret, maluerit ad tempus ire cedere, & claustrī mensia declinare, (habitum nihilominus retinens, & à Regulari non exorbitans disciplina) donec amicorum copia, & cognitorum suorum potentia, Abbatis prædicti tumida compesceretur præsumptio. Postea ad claustrum honorifice reuocatus est, & receptus à fratribus cum iubilo.

QUALIA MIRACVLA IN
VITA ET IN MORTE
Hroznatæ contige-
runt.

CAPVT XII.

NVnc ad huius fortis athletæ victoriā, vitæ cursum, & finem simulque miracula, quæ Deus magnificè est operatus, in vita & morte per ipsum, stilum vertamus, vt nihil nostræ desit narrationi per quod & Dei magnalia prædicentur, & sui electi Hroznatæ merita congruis laudibus extollantur.

Domina VVoyzlaua, de qua superius tractauimus, adhuc viuente & referente,
alijs-

I.